



Rovviltnemnda i region 1

Vestland, Rogaland og Agder

Adresseliste

Dykkar ref:

Vår ref.:
2020/16244

Arkivnr.:

Dato:
16.11.2020

Protokoll møte i rovviltnemnda 16.11.2020

Rovviltnemnda i region 1 hadde Teamsmøte 16. november 2020.

Deltakrar

Frå rovviltnemnda: Aleksander Øren Heen, Sigbjørn Framnes, Trude Brosvik, Beate Marie Johnsen og Hanne Marte Vatnaland.

Frå Fylkesmannen i Vestland v/sekretariatet, Hermund Mjelstad.

Protokoll

Sak 5/2020: Jakt på gaupe i region 1 i 2021. Vedtak.

Etter forslag frå medlem Beate Marie Johnsen, Agder fylkeskommune, vart det gjennomført avstemming på pkt. 1 – 4 i framlegg til vedtak.

Pkt. 1. Vedteke i tråd med framlegget, mot stemma til Beate Marie Johnsen.

Pkt. 2-4 Samrøystes vedteke.

Vedtaket blir sendt ut som eiga brev med klagerett.

Saksframlegg frå sekretariatet:

Sak 5/2020: Jakt på gaupe i region 1 i 2021. Vedtak om eventuell kvotefri jakt.

Postadresse:
Rovviltnemnda i region 1
c/o Fylkesmannen i Vestland
Njøsavegen 2
6863 Leikanger

Leiar for rovviltnemnda:
Aleksander Øren Heen
Naddvik, 6885 Årdalstangen
Telefon: 91134842

Sakshandsamar:
Hermund Mjelstad
Telefon 57643124

Aleksander.Heen@vlfk.no
<http://www.fylkesmannen.no/vl>

fmsfhm@fylkesmannen.no

Rovviltnemnda region 1
<https://prosjekt.fylkesmannen.no/Rovvilt-nemnda-region-1/>

Politiske føringar og lovverk

Desse dokumenta er lagt til grunn for saksframlegget:

- St.meld.nr. 15 (2003-2004) Rovvilt i norsk natur
- Innst.S.nr 174 (2003-2004)
- Lov av 19.06.2009 nr 100. Lov om forvaltning av naturens mangfold
- Forskrift av 19.03.2005 Om forvaltning av rovvilt
- Forvaltningsplan for rovvilt i Region 1, revidert i 2014
- Data frå overvakingsprogram for rovvilt, Rovdata
- Rovviltforliket i Stortinget, Dokument 8:163 S(2010-2011) av 16.06.2011

Saksopplysningar

Faggrunlaget er noko usikkert sidan familiegrupper av gaupe blir registrert/talt opp i perioden 1. oktober til 28 (29) februar. Registreringane er avhengig av gode sportilhøve og for region 1 er det sjeldan stabile tilhøve før nyår. Bestandstala for heile landet kan difor endre seg frå i dag og til gaupejakta startar 1. februar 2021.

Tal frå Rovdata viser at gaupebestanden er svakt aukande i 2020 samanlikna med dei siste åra. Før kvotejakta i 2020 var tal familiegrupper rekna til 66,5. I tal tyder dette om lag 393 individ. Det nasjonale målet er på 65 familiegrupper. **Det er første gongen på 8 år at bestanden i landet er over bestandsmålet på 65 familiegrupper.** Det ble ikkje felt gaupe under jakta i 2020.

På Raudlista over trua arter er gaupe plassert i kategorien sterkt trua. Hovudgrunnen var (i 2014) tilbakegang i Sverige som betyr mindre innvandring til Noreg. Etter denne tid har bestanden i Sverige auka noko, for så å minke igjen, og var på 189,5 familiegrupper sist vinter. Totalt er det ca. 393 gauper i Noreg og ca. 1118 i Sverige.

I region 1 er det ikkje fastsett nasjonale mål for gaupe, og nemnda vil difor alltid ha mynde til å vedta gaupejakt. Etter rovviltforskrifta skal gaupejakta vere kvoteavgrensa, men det kan gjerast unntak ved å fastsette kvotefri jakt i visse høve, jf, forvaltningsplanen. Rovviltnemnda har i fleire år vedteke kvotefri jakt på gaupe i heile regionen. Jakttida er i februar og mars.

Vurdering

Sjølv om det ikkje er registrert familiegrupper i region 1, finst gaupe spreidd innafor regionen og skadepotensialet er stort i regionen. Sekretariatet vil rå til å halde fram med kvotefri jakt i heile regionen. Bestanden er liten, og det er i hovudsak streifande hanndyr, med få unnatak, som blir felt. Uttaket vil uansett vere lågt og vil ha minimal innverknad på utviklinga i den nasjonale gaupebestanden.

I rovbasen er det registrert tre usikre observasjonar av gaupe i Suldal kommune i Rogaland i august og september.

Naturmangfaldlova § 8 viser til at offentlege avgjerder så langt det er rimeleg skal bygge på vitenskapleg kunnskap om artane sin bestandssituasjon. Kunnskapen om bestanden av gaupe i Noreg er god, og er etter vårt syn, tilstrekkeleg til å kunne fastslå at kvotefri jakt i region 1 ikkje vil ha avgjerande verknad på det nasjonale bestandsmålet. På grunnlag av den spesielle forvaltningsmessige situasjonen som region 1 har, utan fastsett bestandsmål for gaupe, finn vi at naturmangfaldlova § 9 -12 og § 16 ikkje krev særskilte vurderingar her.

Framlegg til vedtak

- 1. Rovviltnemnda opnar for kvotefri jakt på gaupe i heile Region 1 i 2021. Jakttid er 1. februar til 31. mars. For utøving av jakta gjeld reglane i villlova med tilhøyrande forskrifter.***
- 2. Felling eller forsøk på felling skal så snart som råd meldast til Fylkesmannen. Felte dyr skal dessutan framsynas til Statens naturoppsyn for prøvetaking m.v. med opplysning om kjønn, alder, tidspunkt for felling og fellingsstad.***
- 3. Fangst av gaupe skal utøvast etisk forsvarleg og i samsvar med reglane for bruk av fangstreiskap. Bruk av fangstreiskap krev godkjenning frå Fylkesmannen.***
- 4. Rovviltnemnda kan til ein kvar tid gjere om vedtaket dersom ny informasjon ligg føre.***

Med helsing

Aleksander Øren Heen
leiar for rovviltnemnda for region 1
Tlf. 91134842

Brevet er godkjent elektronisk og har derfor ikkje underskrift

Adresseliste:

Naturvernforbunda i fylka i Region 1
Foreningen våre rovdyr
WWF Norge
Norges Miljøvernforbund
NOAH- for dyrs rettigheter
Statens Naturoppsyn Hordaland og Sogn og Fjordane
Statens Naturoppsyn Rogaland og Vest-Agder
Rovviltnemnda region 1
Fylkesmennene i Region 1
Klima- og miljødepartementet
Miljødirektoratet
Mattilsynet region sør og vest
Sogn og Fjordane Bondelag
Sogn og Fjordane sau- og geit
Vest-Agder sau- og geit
Agder Bondelag
Rogaland sau- og geit
Rogaland Bondelag
Hordaland sau- og geit
Hordland Bondelag
Rovviltnemnda region 2
Rovviltnemnda region 3